

Tahun Baru Cina disambut sederhana, tetapi meriah

KUALA LUMPUR, Inilah Rakyat Malaysia keturunan Cina di seluruh negara menyambut Tahun Baru Cina secara sederhana tetapi meriah dengan mengadakan rumah terbuka semalam dan hari ini.

Walaupun kesan-kesan kemelut ekonomi dunia terus dirasakan, ini tidak menghalang mereka dari menyediakan berbagai jenis hidangan untuk menjamu sahabat handai dan sanak saudara.

Sesuai dengan semangat muhibah dan perdamaian penduduk berbilang kaum, rakyat dari lain-lain keturunan dan agama turut menyambut perayaan itu dengan mengunjungi rumah rakan-rakan mereka dari bangsa Cina.

Pemberian "ang-pow" kepada kanak-kanak, satu keistimewaan Tahun Baru Cina, tetap tidak ketinggalan. Suasana itu diternatkan lagi dengan persembahan terian-terian singa.

Di ibu negara, walaupun jalan-jalan lengang kerana kebanyakan penduduknya pulang ke kampung, kemeriahan perayaan itu tetap dirasakan di kawasan-kawasan perumahan yang riuh-rendah dengan tetamu-tetamu menghadiri rumah terbuka.

Seperti di tahun-tahun lalu, pemimpin-pemimpin MCA mengadakan rumah terbuka di Wisma MCA di sini.

Datuk Seri Dr Mahathir Mohamad dan Datin Seri Dr Siti Hasmah, Timbalan Perdana Menteri, Datuk Musa Hitam, adalah antara tetamu kenamaan mengunjungi rumah terbuka itu.

Mereka mengucapkan "Gong Xi Fa Cai" kepada pemimpin-pemimpin parti itu serta menjamu selera dengan berbagai juaah.

Di antara pemimpin MCA yang menganjurkan rumah terbuka ialah Presidennya, Datuk Lee San Choon, yang juga Menteri Pengangkutan, Menteri Perumahan dan Kerajaan Tempatan, Datuk Dr Neo Yee Pan dan Menteri Kesihatan, Tan Sri Chong Hon Nyan.

Perdana Menteri juga mengunjungi rumah terbuka Menteri Perusahaan Ulama, Datuk Paul Leong di Damansara.



Di negeri-negeri lain, perayaan Tahun Baru Cina juga disambut meriah dan disertai oleh masyarakat berbilang kaum.

● GAMBAR atas: Datuk Seri Dr Mahathir Mohamad dan Datuk Musa Hitam, sedang beramah mesra dengan pemimpin-pemimpin MCA, sempena rumah terbuka Tahun Baru Cina, di Wisma MCA, Kuala Lumpur, kelmarin.

Pemimpin-pemimpin MCA yang sedang melayan Perdana Menteri dan Timbalannya ialah Datuk Lee San Choon, Datuk Neo Yee Pan (kanan sekajang) dan Tan Sri Chong Hon Nyan (kiri).

● Kanan: Datuk Seri Dr Mahathir dan Datin Seri Dr Siti Hasmah di rumah Datuk Paul Leong di Taman Sate Amoy, Jalan Damansara.

● Bawah: Datin Seri Dr Siti Hasmah (dua dari kanan), Datin Maria Musa (tiga dari kanan) dan Tun Hajjah Rohah (dua dari kiri) menjamah hidangan di rumah Datuk Paul Leong sambil beramah mesra dengan Datin Leong dan tetamu lain.

● Gambar Berita Harian.

